

আমারদেশের আমার কন্যারা

হঠাৎ করে কদিন আগে ইন্টারন্যাটের jumptv.com এ চ্যানেল আই পেয়ে গেলাম। ক্রেডিটকার্ড এ পে করার সাথে সাথেই চলে এলো চ্যানেল আই আর আমার প্রিয়তম দেশের মানুষদের টিভি। ওই দিনের বিকেলের নাস্তা ও রাতের ডিনার সবাই আমার ছোট ওয়াকিং রুমটাতে বসেই করলো। দেশটা এমন ধাই ধাই করে সামনের দিকে যাচ্ছে দেখতেই কি অহংকার লাগে। আহা রে আমার সোনারবাংলা যা দেখি তাই ভালো লাগে। মা, বাব, কন্যা, পুত্র ও স্ত্রীকে নিয়ে অনেক রাত পর্যন্ত দেখলাম দেশী চ্যানেল। নাটক, গান, খবর, ত্রিমাত্রা, বিজ্ঞাপন কিছুই বাদ দিলামনা। আমাদের দেশ এত উন্নত করেছে ট্যাকনোলজিতে।

সব কিছুর মধ্যে একটা বিজ্ঞাপন বার বার আমাকে যন্ত্রণা দিচ্ছিলো। ঠিক কোন কন্সলানির বিজ্ঞাপন তা ঠিক মনে করতে পারছি না তবু বিজ্ঞাপনটিতে একটি বাক্য আমাদের সবার কানে খুব লেগেছে তা হলো **আমার দেশের সোনার ছেলেরা আছেন?** বিজ্ঞাপনটিতে এক মধ্যবয়স্ক লোক কথা গুলো বলেন দেশের চিকিৎসা বিজ্ঞানের উন্নয়নের প্রতি উচ্ছাস দেখিয়ে। যতবার বিজ্ঞাপনটি আমাদের দেখানো হচ্ছিলো ততোবারই আমাদের মেজাজ অল্প অল্প করে খারাপ হচ্ছিলো। বিজ্ঞাপনটিতে একটি মধ্যবয়স্ক লোকের হৃদযন্ত্রের সমস্যা দেখানো হয় ও তার চিকিৎসা জন্য বিদেশের বদলে দেশিয় এক ক্লিনিকে যাওয়া এবং দেশিয় চিকিৎসকরা তাকে সুস্থ করে তুলেন এবং তিনি চিকিৎসকদের প্রতি উচ্ছাস দেখিয়ে উপরোক্ত মন্তব্য করেন। আমারদেশে যেমন ছেলে চিকিৎসক তেমনি মেয়ে চিকিৎসকও আছে তবে কেন শুধু ছেলে চিকিৎসকদের প্রতি উচ্ছাস দেখানো হলো? চ্যানেলআই এর মত সচেতন একটি মিডিয়া যেখানে ত্রিমাত্রার মত অনুষ্ঠান করা হচ্ছে সেখানে কি করে এই ধরনের বিজ্ঞাপনকে প্রচার করছে? আমরা কি তাহলে কখনই আধুনিক চিন্তা করবোনা?

আমাদের দেশে পরপর তিনটি সরকার প্রধান হয়েছে মেয়ে তার পরও আমরা বাংলাদেশের পুরুষরা আমাদের মেয়েদের কত অবহেলার চোখে দেখি। আর যে নেত্রীরা আমাদের চালনা করছেন তাদের দেখলে হুমায়ুন আজাদের একটি কথাই বারবার মনে পরে। তিনি বলে ছিলেন যে, **বিশ্বের নারী নেতারা নারীদের প্রতিনিধি নয়, তারা সবাই রাগ পিতৃতন্ত্রের প্রিয় সেবাদাসী।**

এবার বলি আমার ব্যক্তিগত অভিজ্ঞতার কথা। আমি তিন বোনের ভাই হিসাবে দেখেছি, এক কন্যার পিতা হিসাবে উপলব্ধি করেছি, এক মার পুত্র হিসাবে শিখেছি ও এক মায়াবতির স্বামী হিসাবে বুঝতে পেরেছি যে কখনো কোন মেয়ে কিছুতেই এক ছেলের চেয়ে কম নয়। আমি আমার আট বছরের চাকুরি জীবনে দেখেছি মেয়েরা ছেলেদের চেয়ে অনেক অর্থে অনেক বেশী ভালো কাজ করতে পারে। আর কর্মকর্তা হিসাবেও মেয়েরা ছেলেদের চেয়ে উত্তম।

আমরা বাঙালিরা আমাদের কন্যাদের কে ট্রিনিং দিয়ে দুর্বল হতে বাধ্য করি। তাদের প্রতি শুনিয়ে দেই যে ছেলেরা হয় সোনার ছেলে আর মেয়েরা? না তারা সোনার মেয়ে হয়না, সোনার গহনা পরতে পারে কিন্তু সোনার মেয়ে হতে পারেনা। খুব চেষ্টা করলে আর ভাগ্য ভালো হলে হয়তোবা আমার মেয়ে হতে পারে কিন্তু সোনার মানুষ হওয়া শুধু ছেলেদের দ্বারাই সম্ভব।

মাসুদ আখন্দ

www.akhond.se